

一志投玄絕利名二無塵事氣神清三光攢聚永安甯四序不
分真造化五般霞彩結成形六銖衣掛鶴來迎

又思胡子金

好箇中條胡講師通儒明道達禪機自然悟解這些兒石女醉
歸金虎窟鐵牛耕入火龍池胎仙採得紫靈芝

勸道眾

七十光陰似箭忙夜消其半可悲傷那堪日日頓無常更想上
床鞋履別尋思戀箇甚郎娘不如物外做風狂

贈解劉仙

奉勸須看清靜經脫仙模子好搜尋湛然常寂理幽深常處真

道藏輯要

漸悟集

天

胃集七
川川又

常常應物自然無欲亦無心運行日月作知音

贈劉處玄

無作無爲道庶幾不須把釣坐漁磯常清常淨好根基玉液通
傳心絕慮金光漑濟性忘機處玄通妙合三機

贈清風散人明月散人

鍊到無心正用功玉堂深處弄清風倒顛顛倒結殷紅萬派寒
泉枯藥鼎一輪明月出圭峰本來面目赴仙宮

自詠

昔日施爲狡猾心聞人活路向前侵暗生荆棘開如林不顧傷
神並損氣欲求積玉更堆金行屍走骨作知音